

tzin ny quahuitl ycotiauh ynongan quauh yehuiloa tlaçao yehuatl yn acacitzin tlaquic aya &.

Tlatla mantitihui iniximoa ylhuicatl ytic ticacatzin in nepapan niqittoa nican inin manel huel quetzalli niqix hualtia mach ye nitlaço yaz ayac tlaquahuac nomache.

Totolinico yanican yxochitlalpan ticacatin yn nepapan niqitohua yn &.

FINIS.

### XOPAN CUICATL.

Otocontecaque in moxochinpetl yain nen oncan onnentlamatizque in mocnoic nihuan ipalnemoa ohuaya &.

Tlatoconehuacan moxopan cuicucatzin chalchiuh ahuaçh chopiltzin yetimotelchiuh yetehuatlton matia in atlitic tehuatl tietlapoa chalchiuh oztocalli intenoçhitlan &.

Tlati mitz macacan motlahquechol xochi ahuaçhquetzi chalchiuh ahuaçh chopiltzin &.

Calchiuh tlaçuilolli incuica amoxtli onquetzal xilohuitoliuhtoc ynyectlon cuicatl xo chinpapalocalli ya yempa hualteno incuicatl ompaniccaquia nicuicanitl yehua initlatol ilhuicac yeichan angelota ho &.

Çan nepapa çanitica yao ontzaucticaca xochi papalocalia &.

Ixochi. . . . pan canyeonnemi in patlantinema çayehua in tiox yxiuhquechol iepitzin inteocuitla tlapalic atlapetlania in huehuetitlan xopan calitic cuicatla payahuatl mania &.

Ichalchiuh xaltomacocoçquia çaye huan Dios ixihquechol iepitzin &.

Tlaoc tehuan tompehuacan tlaoc tehuan tonçuicacan matocomentlamachtican ypalnemoani ateahuel iaahuiltiayan ateahuel yellel quixtiloyan &.

Maiçnoxochitl, a, yenie manaya nican nictzetzeloa xopan inxochitl cempohual xochitl ayeicaon aahuialoya &.

Niquetzainto huehueuh niçuinnehicoa intoçnihuan ymellelçuiça niçuinçuica tia tiazque yeichan ximotlamachtican ximocuiltonocan inan toçnihuan ahuaaya &.

Maizquixochitli macacahua xochitl maon neaquilo manecoçcatilo huehuetitlana yece yenican xochinahuatilo, yece yenican incuicanahuatilo in tlalticpac o ximotlamachtican ximo cuiltonocan ynantocnihuan ohuaya.

Tiquetzaltototl titlahquechol tompapatlantinemi ynipalnemohua timohuihui xoa timotzetzeloa nican, Moic nochan moic nocal ai mancan ohuaya çayemo neçuiltonol moteicnelil in tlalticpac huelonnemoa timo huihuixohua &.

Xiuhquechol xochitl intlahquechol xochitl inmalinticac on in moyollo in motlatol nopiltzin o inçhimecatl teuctli intiayoqua çuel achie yenican xoccon motlanehui intlalticpac ohuaya &. Yeanichocacompolohua into miçuiç compoçloaintotlaoccol yeçtloncuicatl çuelachie &.

Tiquetzaltototl tipatiuh yehuan in tiox çanquetzallhuexotica chalchiuhatica çan toconaltian atl o yain tepetl ayahuitl çantopan mani ma çuiça omayeçtli xochitl mamomac on mania on xochimalintoc amocueic amotlatol.

Moquetzal e cacehuaztic e capahuia yetlachia in coçcatl inyetlachia inquetzalli y yene malinalo ayahuitl &.

Tlahuilli xochitl oncuepontimani amoxtli manca Mexico nia ohuaya tonatimania ahuaaya &.

Cenca yemamoxhi cenca ytlacuilol itic on mania inatl o yantepetl in tenochtitlan çuiçoçohuaya conyacuçuepa yehua in Pale yehua in Capitan ontlatoa yeoncan ontlachia ilhuicatl ytic ohuaya &.

Xiuhçlaquetzalli moçhiuhticac in Sta. Malia ilhuicac tlaquetzalli moçhiuhticac ye hua in tiox anconapaloa calli manican anconpachotimani anahuatl o ai nilhuicatl ahuaaya &.

Çan chalchiuh xicalli amomac ommania çanquetzallhuexoti caanquiahuaçh pehui toque in Atl in tepetl cemanahuac maocçemilhuatl ohuaya &.

Yancuictietlalia in moztocal çantitlatoani çayehua in tiox yancuicticma naya moçhalchiuhteponaz tietzetzeloa &.

Amoxtli toconitta ye huaya in Pale in moçh ompatoneci intimacehuatl ilhuicatl y tic çantontlaçqui ompatocon notza ye hua in tiox &.

### MATLATZINCAYOTL.

Anompehua noncuica ni mâçuil xochitl çan noconahuilia o ay nipalnemoa ynmacon netotilo ohuaya ohuaya.

Quenonamican canoyeichan imaitçuihua in cuicatl içanio nican y izca anmoxçhiuh. . . . . in maon netotilo ohuaya ohuaya.

Temomacehual Matlatzincatl Itzcohuatzin Inaxayacatzin ticmomoya huaco in Altepetl intlacotepec ahuaya.

Oylacatzihya om moxochiuh aya mopapaloouh ictocon ahuiltia in matlatzincatl intoloca in tlacotepec a ohuaya.

Ayaxca ocôntemaca in xochitl a ihuitla ypalnemoa ohuaya &.

Inquâhui çhimalli in temac yeçuimana ohuican çuihua yantlachinolli itic yxtlahuatl itic ohuaya ohuaya.

In neneuh qui intocui neneuhqui intoxicihuh cantiquaochpan in tocon ahuiltia ypalnemoa ohuaya ohuaya.

Inquahuixochitl in momac om mania Taxayacatzin in teoxochitl in tlachinolxochitl ic yzhuayotimani yca y huinthua yaintonahuac onoca ohuaya ohuaya.

Topan cueponia yaoxochitl ain ehcatepec ain Mexico yeoho yehuiloya yca y huinthua &.

Çayenetlapalolo in Tepilhuan in âcoli huaque in antepaneca ohuaya &.

Ynotenpeuh Axayaca nohuian matlatzinc Malinalco, ocuilla, Tequaloya, Xôcotitlan, nican ohualquiçaco xiquipilco oncano quimetzhuitec ceotomtl ytoea Tlilat, auh yno aheico quimilhui yeihuahuan xitlacencahua can in Maxtlatl in tilmatl & anqui macazque amoquic hui oqui nenotzallan mahuallauh yn otomtl ynonech metz huitec momauhtih tica yn otomtl quittoa ancayenechmictizque qui hual huica in huepantli, intlaxipehualli in Maçatl ic quitlapaloco in axaya momauhtih tihuitz, auh çano quitlauhtique yinichuahuan Axayaca.

---

#### TLAXCALTECAYOTL.

---

Otaicoyenican Tenochtitlan y ximochicahuacan antlaxcalteca ye huexotzinca quenconcaquiz teuctlo xicotencatl y ynelpiloniya ximochicahuacan netlaya.

Hualtzatzia intachcauh in quauh tencoztli çan conilhuia in capitani ya otoman yemalintzin y xacaltecoz acachinanco otacico huelximochicahuacan netlaya.

Tlaoctoconchiacan y nacal capitani a yahuel yeoquihualaci yniquachpan intepolli çan yeixpan aya yeixpolihuio in Macehualtin Mexicame hue ximochicahuacan netliya.

Xiquipalehuican totecuiyohuan a ayahue tepoztlahuiceque quixixinia atlon yantepetl quixixinia Mexicayotl ximochicahuacan netle ya.

Xictotzona in mohuehueh xihuehuetzca ye ixtlilxochitlê xomitto tiao in quauh quiahuac Mexiconican mocueçaliz chimalo cuecuyahua yante malacatitlan y ximochicahuacan netle ya.

Yaopapaquinitzin tlahuiznenequitzin ay yahue inquachicaya yxtlixochitlê.

Xommittotia in quauh quiahuac Mexiconican y Mocueçaliz chimalo cue cueya yan temalacatitlan yn ximochicahuacan netle ya.

Inoc hual momantihui Ahuatomachvan eya y yano inquachicaya in Anahuacatzin ynotomtl teuctli tehuetzquitihue ximochicahuacan netle ya.

Ocuellachica cemilhuil o yeehuaya intlachinol xochitl motlatol ti quauhtemotzin ayamoteocuitla yacaxochiuh tla tlahuiz callihuatimaniya in mochca xochiuh quetzaltica queyahuatimani otitla mahuiço huitziltepetl ximo chicahuacan netle ya.

Quehuelçotehuatzin Tetoca yêmopan omantiaz tauh totepeuh yehmach octimo xicoz çequi mopatiuh yetiuh o o moteocuitlaye huatzacaya moch caxochiuh quetzaltica cueyahuatimani otitla mahuiço huitziltepetl ximochica huacan netle ya.

---

#### Y CON TETL HUEHUETL.

---

Tlahuelximottacan a yehuantin chimaltica mittotia, a, oton ne xineque in te huetzquiti yntecoatzin tlehnoço anyezque mayecuele maonne totilo intlaxicuica anicahuan, Macecenotlipan ximochicahuacan ticohuayhuil intzitzpotonqui tlênoço anyezque maoyecuele maon nehtotilo yntla xi cuicacan an nicahuan.

Oneltic yacauhque tlaxicaqui yenocui intauh totepeuh intenochtitlan o Mexico nican inhuelnelli, a, niqittotia nique ehua ye ehua yetona cizquia in nitzananauheca intlattelolco maçantlapic yemochiuh Tlaxcalteca aya yntlaxicuicacan an nicahuan.

Çan nieya . . . . . ttac niemahuiço yeoncan nanahuacalteuctli chimaltica yex palatica yequenequihualtoeaya in Tlaxcalteca aya in caxtillan tlaça Atitlan quince huato yatacitoya maçantlapic ommochiuh Tlaxcalteca a ya in tlaxicuicacan anicahuan.

---

#### YE YEY HUEHUETL.

---

Tlaoc xonmitoti o to o quizteuctli titlatohuaya xictotzona in teocuitla huehuetl xiuhtlemiahuaço concauhetehuaque inteteuctin tlatoque auh ocyaye huatl ye xiquimonahuilti in nepapan tlaça tonahuac onoque tlaxcalteca yn meetlo ye huexotzinca y meetla.

Tel huel ycaeyonez Mexico yenican cuitlachihuitl aya in tlatohuani yhuanylteuctli Tepixohuatzine anquimochtin yemicuiloque yeinchimaltitech o o nepapatlaca tonahuac onoque tlaxcalteca yn me etlo huexotzinca yn me etla.

Mochimalihtotico nican aya intlatohuani in A poponca Mexico anquinican chimal aztaxochihuaque huahuanpatzacque yn teuctlio amixpan o tlaxcalteca y meetlo ye huexotzinca yn meetla.

Auh açonelli yeic onacie quimo, ya, cuili ynintepoztopilli yxpayolme anquinican chimal aztaxochihuaque huahuanpatzacque yn teuctli o amixpan o tlaxcalteca yn meetlo yehuehuetzinca y meetlo.

Hualchimallaçaya yehuan motelchiuhtzin y teuc ylhuitl ytel huelic on nezta

in oncacique ynintlequiquiço intepahuanime conittoa in Atoch maon netotilo tlaxcalteca yn meetlo yehuxotzinca yn me etla.

Yexixinia yequauhtenamitl aocelotenamitl inteuc ylhuitl telhuel yeon nezta in acacique ynintlequiquiço in tepehuanime quittoa in Atoch maon netotilo tlaxcalteca yn me etlo huexotzinca yn me etla.

---

YC NAHUI HUEHUETL.

---



Yn huel ximotzomoco maxonmicalita çantitlacateccatl ayntemiloztin nyeoquiçaco inimacal caxtilteca chinampan neca yaoyahualolo intenocheatla ya yao ya hualo lo intlatalolcatl.

Y oclatzatzaquato a intlacocheatla in coyohuehuetzin a yeonoquiçaco in Acolihua o in Tepeyacac o in huey hotliypa yaoya hualolo in Tenochcatla yaoya hualolo in Tlatelolcatla.

Inyehuel patiohua y in Tenochtitlan y yeixpolihuio yeipilhan inyeçan ye huan Tiox chalchiuh capitan yehuan Guzma Mexico nican yaoya hualolo in Tenochcatla yao yehualolo Tlatelolcatla.

Yxiuh hual capoztica tlatlahtlatzinia ayahuitl moteca ynoconaque ya in quauhtemotzin a yahue cen matl on mantia yn Mexica inte pilhan aya yaoya hualolo in Tenochcatl in Tlatelolcatla.

---

YC MACUILLI HUEHUETL.

---

Maxiquilnamiquican Tlaxcalteca tomach huan yniuhquiticchiuhque coyonaçazco Neïçoquihuiloc in Mexica yecihua yetepepenalo intlacahuaque ayahue.

Aye pachiuhtia yiollo Ayximachotzin chimalpaquinitzin, a, yahue yniuh quiotic chiuque coyonaçazco neïçoquihuiloc in Mexica yecihua yetepepenalo yn tlahuaque ayahue.

Yeonetzaqualoc Acachinanco Tehuexolotzin ayahue conicihuitia ynintlame-meltzin yn Xicotencatl in Caxtaneta yemayhuinette yeya may hui netle.

Ixihualpaynaca ticcahuane intinelpilonitzino yahue concihuitia ynintleme-meltzin yn Xicotencatl yn caxtaneta yemayhuinette ya yemay hui netle.

Inchiucnahuilhuitica onteaxitilo in Coyohuacan in quauhtemotzin in coana-coch Tetlepanquetzatzin yeneucuilolo inanteteuctin ay yo.

Quimonellaquaya, a, in Tlacotzin yequimonilhuia o Ahuatomachvane ximo-

chihuacan aya teocuitla tepozmecatica yaonilpiloque yn ayahue yeneucuilolo yn anteteuctin ayyo.

Inquihualittohua o intlatoani o in quauhtemotzin a, Ahuanomatzone cantonanaloc tontzitzquiloc ac ynahuactimotlalia Genelal capitan ahua yenella toya yxapeltzina ahua ya nomachticatzine aya yanella ayeneucuilolo inteteuctin ayyo.

Nelah ontimalihuiz in tetlacauhyotla ayahue oncozcanhuhuh inquetzal nelihuh in coyo huacani ahuanomatzone cananaloc tontzitzquiloc aqui na huac aya timotlalia in Genelal capitan ahua yene lla Toya yxapeltzina ya hue yeneucuilolo yateteucti a ayoyeneucuilolo yateteuctin ay yo.

---

YCUIC NEÇAHUALPILLI YCTLAMATO HUEXOTZINCO.

CUEXTECAYOTL, QUITLALI CUICANI TECEPEPOUHQUI.

---

Yehxihuac huehuetzin ypiltzin xa ya camachantzin huexotzineo tlatohuani Mietiloc temalacac.

Nihuinti anaya yhuintinoyollo tlahuizecalla moquetzaya, otlahtohuaya çaquanquechol o chimaltenantepac tlaçohtenantiçpac ximocuiltono titlacahuepan tinohueyo, quaxomotl aya quaxomo cuextecatlayoo.

Çanteoaxochi octla ye yhuintic yeoncantoto atenpan aya quaxomotl aya &.

Ynehalehiuhtli teteyca, quetzalli popoztequi anohueyo tepilhan ytzin mi-quiztla huanque yconcan amillanypano, atempanaya ay Mexica yme hetla.

Inquauhtliya Pipitzcan a ocelotl choatica tinopiltzin Macuilmalinalli çanyeancan Poctlan tlapallan yecoyachihua a yn Mexica &.

Inyeoni huintic yeni cuextecatla y yenixochi quaxoxoya Nictotoyahua ye xochi aotli yayeoya ye oya ye aye ayeo.

In matemaconquetzal ocoxochitl nopiltzin Titlahpaliuhquetl ynyenixoxo ya &.

---

YCOME HUEHUETL.

---

Inteo atl ymancan ay yahue ompoçontimani Teoaxochioctica ya aihuintia ain Mexicame chichimecatl aya noconilnamiquia çan nichoca y hue.

Icaya y yahue o onnichocaya Nineçahualpilla nocon ilnamiqui caniyamania ompayecueponia ya oxochitl y ya noconilnamiquia cannichocayhue.

Ciliquipon *çhailtzin* aytzin mahuan yxtlil cuechahuac y çayon mahuitiaqui namoya inquetzallipatzacon xiuhquiyamoya cuextecatlahuaquen.

Atlia yxtla yhtee tlachinol acueyotl ytopan yepoçoni pilia yxtlil otoncocho-tzin a yeanyemahuiztia quinamoya y quetzal ypatzacon &.